

## НА ВЕЛИЦЕЙ ВЕЧЕРНИ

Блажен муж: *1-й антифон.*

На Господи, воззвах: *стихиры воскресны гласа и стихиры новомучеников, глас 5.*

*Подобен:* Радуйся:

**Радуйтесь, новомученицы и исповедницы Россійстии, / православных удобрѣние, / новозакланнии агнцы, / веры поборницы и хранителие, / ходатаи о нас к Богу непостыднии, / в лета послѣдняя / страданьи подражатели первым мучеником явѣстеся, / терпения столпи непоколебѣимии, // душам нашим испросите вѣлию мѣлость.**

**Радуйтесь, стратотѣрпцы славнии, / стопам последующе древних мученик, / веры ради подвизаетесь твѣрдо / в лютая времена земли нашея, / и ныне всех подвизаете к славе и хвалению Бѣга, / укрѣпльшаго ваше немощное естество / и обогатившаго вас дарованьи Духа, // во спасение душ наших.**

*Глас и подобен тойже:* Творение [святителя Афанасия Ковровскаго](#):

Приидите, Небеснии предстателие наши, к нам, / вашего чающим милостивнаго посещѣния, / и избавите озлобленныя мучительскими прещѣнии / и лютаго неистовства неверных, / от нихже, яко пленницы и нази, гонѣми есмы, / от мѣста на место часто преходяще / и заблуждающе в вертепех и горах. / Ущедрите убо, прехвальнии, / и даруйте нам ослабу, / утолите бурю / и угасите еже на ны негодование, / Бога моляще, // подающаго вами Земли нашей вѣлию мѣлость.

*Ины стихиры новомучеником, глас 6. Подобен:* Все отложше:

Святителю отче Тихоне, архипастырю многострадальне, / ты в годину лютых безбожных гонѣний / верная чада Церкви Россійския, / утешая, призывал еси / за Христа и веру Православную мужественне стоять, / сам же, по вся дни умирая за паству твою, / исповедник непоколебимый явился еси. // Сего ради ты с любовью прославляем.

Пастырю истинный / священномучениче Владѣмѣре, / егда беззаконнии понуждаху тя / Церкви Россійския отступить, / верен делом и словом / святителю Тихону пребыл еси / и, яко священная жертва, от Киева, матери градов русских, / Бѣгу принеслся еси, / моляся о убивающих тя. // Сего ради ты усердно прославляем.

Священномучениче Вениамѣне, / Церкви Христовы истинный сыне / и благостояния Ея усердный ревнителю, / противу лжепастырей, тщасихся расхитите стадо твоѣ, / мужественне стал еси / и, не убоився прещѣния и лжесвидѣтельств мучителей, / обратил еси суд на главу судивших тя, / таже смерть твою / Православие утвердил еси. // Сего ради ты усердно ублажаем.

*Слава, новомучеником, глас 5:*

Всевышний Владыко, / в Троице славимый и поклоняемый, / ущедри ны благоприятными мольбами / новых мученик Твоих, / пред мучители дерзновенно исповѣдавших Тя, / Единаго истиннаго Бѣга, / и Твоѣ, Сыне Бѣжий, / неизреченное от Матере Дѣвы // спасительное воплощение.

*И ныне, Богородичен.*

*Вход. Прокимен дне. И чтения новомучеником.*

*Деяний святых апостол чтение (4,6-31):*

**На литии стихира новомучеником, глас 6. Подобен:** Отчаянная: *Творение святителя Афанасия Ковровского:*

Отчаянии есмы жития ради/ и не имамы нрава добродетельна,/ яко миро, приносим Ти, Господи,/ молитвы святых сродников наших./ Не отвержи Русь издревле Святую,/ ныне же грехов наших ради люте страждующую./ Не презри слезы верных сынов,/ колен своих пред Ваалом не преклонявших,/ и ихже не поразил еси, согрешающих.// Приими нас, кающихся, Боже, святых Твоих мольбами.

*Слава, глас 8:*

Приидите, мучениколюбцы,/ приидите, составим лик,/ торжествующе и Бога прославляюще/ в радостный праздник новомучеников и исповедников Российских,/ сии бо не уклонишася скорби,/ ни убояшася темницы,/ горькими работы, гладом и хладом изморени/ и многовидными муками умерщвляеми,/ яко агнцы незлобивии, смерть прияша./ И ныне в радости святых/ молят Триединого Бога о земнем отечестве своем.

*И ныне, глас тойже:*

Владычице, приими молитвы раб Твоих/ и избави нас/ от всякия нужды и печали.

**На стиховне стихира воскресна гласа.**

*Таже стихире новомучеником, глас 2. Подобен:* Доме Евфрафов: *Творение святителя Афанасия Ковровского:*

Земле Русская,/ граде святой,/ украшай твой дом,/ в немже Божественный/ велий сонм святых прослави.

*Стих:* Господи, Господь наш,/ яко чудно Имя Твое по всей земли.

Церковь Русская,/ красуйся и ликуй,/ се бо чада твоя/ Престолу Владычню/ во славе предстоят, радуящися.

*Стих:* Святым, иже суть на земли Его,/ удиви Господь вся хотения Своя в них.

Соборе святых русских,/ полче Божественный,/ молитесь ко Господу/ о земном отечестве вашем/ и о почитающих вас любовью.

*Слава, глас и подобен тойже:*

Новый доме Евфрафов,/ уделе избранный,/ Русь Святая,/ храни веру Православную,/ в нейже тебе утверждение.

*И ныне, Богородичен, глас 8. Подобен:* О, преславнаго чудесе:

О, преславнаго чудесе!/ Небесе и земли Царица,/ от святых сродников наших умоляемая,/ до ныне землю Русскую покрывает/ и лика Своего изображении милостивно обогащает./ О, Владычице Державная!/ Не престани и на будущее время/ во утверждение на Руси Православия/ милости и чудеса изливати до века. Аминь.